

Krevi Solenco – No ye que rap

Seco como lo cierz, curto como ell.
I plego con un verso feito dende prou luent.
Dende chiquet fendo garras, por os monts como as crabas,
rimas a patacadas y conciertos a sobén.

No me conoixes, m'amago entre a chent.
Salgo d'entre o fumo y t'escupo aragonés.
Sí! Ahiere me veyiés por qualsiquier carrera
sin saber d'ista luenga. Hue, una mica mas, talment.

Tira! ixa cara rariza,
Krevi Solenco o rizo riza. Prencipia a estar ya enfermiza.
tanta parola vueda, fongo de zolle
por a parte de gabachos sin dos didos de frent.

Contino dende a uambra fendo cayer de grapas,
qualsiquier mentira dita d'o mío rap y a fabla
que empleo con orgüello, fendo d'isto un espiello,
pa que ubras os uellos y salgas d'a boyata.

Devanta ya d'o leito, charrar ye un dreito.
Esfuende a tuya cultura con orgüello y buen peito.
No! Isto no ye sozmeter a la resta.
Bi ha millars de culturas diferents a la nuestra.

No t'entivoques, no charro de violencia ni odio,
millor charrar en bell bar fendo-nos uns hordios.
Deixatz ya de preixinar y de churar por Dios.
No ye que rap pa que escuiten os sordos.

No ye que rap pa fer unatra envista.
Estoi que isto, ista luenga amenista.
No ye que rap, tanimientres de bislai.
Prebando de fer que l'aragonés exista. (bis)


O rap me fa chuego me fa fer tarde prou luego,
viene quan quiere y yo escribo somiciego.
Con tot y con ixo, con istas rimas i plego.
Ubro tozuelos, zarro bocas, dimpués crebo.

Lo que atura que isto surta y faiga brilar a luenga,
que sinyors de trache creban y le fan borrega.
D'istos bi'n ha a rienda, pa que se m'entienda:
parlan mas que catorce y fan mofla d'ista tierra.

¿Tanimientres tu que fas? T'animos a chilar.
Por poquet que faigas tu por tu o mundo chira:
Poco gana o que fila pero menos o que mira.
Fe-les cayer por tierra con o tuyo mallar.

Els limpio fer a tana, nusatros fendo camín.
dende ixa poltrona no fan que mentir.
Ye de dar que no somos lo que les fa goi,
por ixo aquí soi, pa luitar y pa escribir.

No ye que rap pa fer unatra envista.
Estoi que isto, ista luenga amenista.
No ye que rap, tanimientres de bislai.
Prebando de fer que l'aragonés exista. (bis)



Letra: Krevi solenco
Revisión: Fernando Romanos, Silvia Cebolla y Cherardo Callejón
Productor mosical: Ypsen Prods
Artista colaborador (scratchings): Dj Diamond Ex



O Zager Chilo I
Asociación Cultural Nogará – Religada

